



24. oktober 2016

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit niuerneq pillugu:

1. Kalaallit suliffiutaat nioqquteqarpat akiligassaliorlunilu Kalaallit Nunaanniit, EU-mi nunat arlaanni tunisassiorluni tassanngaanniillu toqqaannartumik soorlu Canadamut nassiussinnaalluni, taava kalaallit suliffiutaata nioqqutissaatai EU-p Canadallu niueqatigiinnissamut isumaqatigiissutaata CETA-p iluaniissappat? (rules of origin).

2. Killilersungaanngitsumik niueqatigiinnissaq pillugu EU sunik isumaqatigiissuteqarfiginikuuarput aamma isumaqatigiissutit assigusut suut OLT-mik aaqqissuussinerup iluaniippat kalaallit suliffiutaasa pitsaasunik tunisassiornerminni atungaqarsinnaanerannut qularnaarisut? Aamma nunat sorliit taamatut isumaqatigiissuteqarfiginikuuagut?

3. Eqqarsaatigineqarpat isumaqatigiissutit taakku annertusineqarnissaat, maannakkorpiaq qanoq suliniuteqartoqarpa tamanna qularnaarniarlugu?

4. Aalisarnerup iluani arlaatigut isumaqatigiissuteqartoqarnikuuvoq, kisianni annikitsukkuutaanik pisisartunut nioqquteqartartut, eqqumiitsuliat, nipilersorneq aamma sulliviit akunnattumik annertussusilimmik aamma annikitsunik avammut tunisassiortartut eqqarsaatigalugit tamanna qanoq isikkoqarpa. Suliniuteqartoqarpa tamakku atugaasa oqilisarneqarnissaat nunanut allanut unammilleqatigiinneq tunngavigalugu tunisassiornerminni periarfissaat pitsanngorsarumallugit?

5. Malittarisassanik ajornanngitsumik pissarsisoqarsinnaava sullivinnut piumasunut agguanneqarsinnaasunik, malittarisassanik inatsisinillu eqikkaanertalinnik, nunami maani sulliviit nunanut allanut tunisassiornermik annertusarniarpassuk?

6. Naalakkersuisut suliamut tunngasunik soqtiginartunik allanik paasissutissiinnaappat?

(Inatsisartunut ilaasortaq Tillie Martinussen, Demokraatit)

Tunngavilersuut

Nunanik allanik niueqateqarnek nunatsinnut pingaaruteqarluinnarpoq Kalaallit Nunarput inukkittunnguaq ingerlaannassappat. Suut tamaasa atugassagut tunisassiarinissaannut ikippallaarpugut. Tamatuma saniatigut pingaaruteqarpoq nammineq nunanut allanut tunisassiatta



iluanaarutigisinnaanissaat, taamaasilluta akissarsiorsinnaassagatta, akileraarutit qularnaarsinnaassagatsigit sullivinnillu pilersitsilluta.

Tamanna tunngavigalugu pingaaruteqarpoq nunanik allanik niueqateqarnitsinni pitsaasunik atugaqarnissatta qularnaarsimajuarnissaa. Tassani killilersungaannigitsunik niuernikkut isumaqatigiissutit niuernermilu isumaqatigiissutit pingaaruteqarluinnarput, niuerfinnut tunisassiatta akitsuusersorneqaratik anngunnissaat qularnaarneqarsinnaammat.

Tamatuma saniatigut annertunerusunik isertitaqarnissarput periarfissinneqassaaq avammullu tunisassiorneq annertusarneqarluni, assigiinngitsunik aningaasanik isaatitsissuteqarnissamut siunertaqarneq taamaasilluni piviusunngortikkuminarussammat.

Taamaattumik soqutigintippara immikkoortumi killiffitta tusarfiginissaa taamaattumik aamma qinnutigaara apeqqutima ullut suliffiit naliginnaasut qulit iluanni akineqarnissaat